

Broj:
Sarajevo, 06.03.2026.

Skupština Kantona Sarajevo
Samostalna zastupnica – Adna Mesihović

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
n/r predsjedavajućeg Elvedin Okerić

ZA: Ministarstvo saobraćaja Kantona Sarajevo
Vlada Kantona Sarajevo

PREDMET: ZASTUPNIČKA INICIJATIVA

Poštovani,

na osnovu članova 106. i 213. Poslovnika Skupštine Kantona Sarajevo upućujem zastupničku inicijativu Skupštini Kantona Sarajevo, Vladi Kantona Sarajevo i resornom Ministarstvu.

INICIJATIVA:

za uvođenje obaveznih, redovnih kao i nenajavljenih kontrola na prisustvo alkohola i opojnih droga vozača javnog prevoza U Kantonu Sarajevo.

Obrazloženje:

Polazeći od nedavne saobraćajne nesreće kojom prilikom se kod vozača javnog gradskog prevoza provedenim testiranjima utvrdilo prisustvo opojnih droga u organizmu, a u cilju unapređenja sigurnosti saobraćaja i zaštite života i zdravlja građana Kantona Sarajevo, podnosim inicijativu za uvođenje obaveznog alkotestiranja i testiranja na prisustvo opojnih droga za sve vozače javnog prevoza prije stupanja na dužnost, kao i provođenje periodičnih i nasumičnih kontrola tokom radnog vremena.

Javni prevoz svakodnevno koristi veliki broj građana, uključujući djecu, učenike, studente, radnike i starije osobe. S obzirom na visok stepen odgovornosti koji nose vozači autobusa, trolejbusa, tramvaja i minibusa, neophodno je osigurati najviše standarde profesionalne, zdravstvene i psihofizičke sposobnosti za obavljanje ovih poslova.

Predlaže se:

1. Uvođenje obaveznog alkotestiranja svih vozača prije početka smjene.

2. Uvođenje testova na prisustvo opojnih droga u definisanim, najavljenim intervalima (u dogovoru sa strukom, a ovisno o dužini zadržavanja rezidua u organizmu).
3. Propisivanje jasnih procedura u slučaju pozitivnog nalaza (privremeno udaljenje s posla, vanredni ljekarski pregled, disciplinski postupak).
4. Uspostavljanje saradnje sa nadležnim zdravstvenim i sigurnosnim institucijama radi provođenja kontrole.
5. Izmjene i dopune relevantnih kantonalnih propisa i internih akata javnih preduzeća kako bi se ova obaveza jasno definisala.

Ove mjere imale bi preventivni karakter, značajno bi smanjile rizik od saobraćajnih nesreća, te doprinjele povećanju povjerenja građana u sistem javnog prevoza Kantona Sarajevo.

Molim da se što žurnije poduzmu svi koraci u pravcu rješavanja ove vrste nadzora kako bi se spriječile sve negativne posljedice i vratilo izgubljeno povjerenje građana u javni gradski prevoz.

S poštovanjem,

Adna Mesihović